



止齋先生文集卷之十五

外制 自紹興五年八月以後

皇后初冊封贈三代

曾祖資政殿學士贈少師韓小曾 贈太師

救慶曆嘉祐之盛萬世帝王基業也而弼亮之功惟爾先正
莫及矣葉嗣有象賢宜爾子孫與國無極具官某致修嚴獻
益有令聞夷險一節見於艱難高宗圖舊學諸樞筥而再入
亨廬特命不辱莫安宗社天下賴之然位不稱德有識同嘆
爰有曾孫來儼宸極朕嘗以國史次韓之事論諸中官以
以續爰因追錫晉陟師垣非以為生蓋禮之稱可

曾祖母秦國夫人王氏贈魯國夫人魯國夫人文氏

贈一國夫人

教維昔忠獻身修家齊被于後昆將相三葉克對前人皆著

內助具位某氏夙以淑德嬪于相門輔佐君子繼世承荷本
惟鶴巢國君積行累功夫人起家興享休顯而召南推本以
為德足以配非偶然也是宜儲休載生賢后以綿國祚以大
家聲被封于秦亦既從爵申錫于魯蓋取諸頌使與僖公
母千載相望豈不榮哉可

祖承議郎贈中奉大夫韓協贈太傅

勅朕聞葵齊之祀與周並傳漢之封君爰及晉裔矧惟韓氏
之勳度越自昔於是僅三世耳而胡浸微大命弗僭其殆再
昌乎具官某於魏國為裔孫於少師子也學足以克家而宦
不達才足以用世而懷不得試即其靖退是見所存集善為
祥積於閭閻載篤其慶后所自生夫屈於名者真其實不獲
乎其身者遺其後曾班公傳誰曰不宜雖曰緣恩亦足用勸
可

祖母令人馮氏贈國夫人

敕周人之頌任妣曰是有摯仲氏也是有莘長女也蓋本其
所自出必名邦大族而豈無故之福母儀天下乎具位某氏
身為少師婦以奉魏祀於是浸微而不病其夫子之不滿
共朝夕世守弗違餘慶流光萃于今后詩不云乎君子萬年
景命有僕其僕維何釐爾女士言周之盛天命附著使生成
媛為之妃則我式克至于今休蓋祖烈也亦天意也新封
美說為之報本豈惟忠獻將吾祖宗實寵嘉之可

父朝奉大夫提舉佑神觀韓同卿授揚州觀察使

敕詩人之誦賢后必曰是有摯仲氏也是有莘長子也蓋本
所自來必君侯世家儲休積慶而豈一日之積哉具官某
親志獻公之裔孫也踐脩厥猷益自謹飭嘗試以事茂於村
賦是生淑媛來配潛邸肆朕嗣服正名長秋在詩之既醉曰

君子萬年景命有僕其僕維何釐爾女士釐爾女士釐爾女士
子言有士行之女以為之配皆天意也維爾先正勿在社稷
靈在蒼生以克及此豈非天乎戚里故事必在右選爰辭齊
安與昇康車宜益靖共以綏寵祿可

母 氏贈 國夫人

教辰議局南至於葛覃后妃躬儉節用服澣濯之衣皆其母
來官為之未嘗不忻慕也具位某氏吾后母也以吾后作配
朱耶共鑒繫之直正位中宮獻種桂之種親事煩辱曾無吝
則其素教豈一日之積哉夫區區侯邦而謂陽之恩閱宮之
頌必及其母况以后德流化天下則推尊母氏可無茂恩且
典之共隱約於鷄鳴櫛盥之時而不與之共休顯於象服委
蛇之際撰之絰誼本之人情皆非稱也昨以上國為君夫人
作徒示私亦足用勸可

少保觀文殿大學士充醴泉觀使益國公周必大登
極恩贈三代

曾祖故朝奉郎贈太師潭國公衍加封七國公

救朕嗣守丕圖永懷元老而訪落不與於廟謀也言告在廷
晉爵亞傳則所以推本世系以宏賁其先正之祧一個可後乎
具官某曾祖某躬行對於古人官學聞於當世位一稱德士
論惜之夫屈於名者身其實不獲其身者遺其後是宜燕及
曾孫蔚為名臣編儀二事光朝兩朝也則追錄其積行之勤增
華其種德之報大啓三宇晉封三秦非以為生蓋值之稱可
曾祖妣潭國夫人鄭氏贈秦國夫人

救周之公孤並祀五廟以君夫人祔焉而世世享其官某曾
祖母某氏來自名門作配君子躬備勤勞以詔婦子而生無
從爵之榮歿不得與共牢之報天命弗僭是生曾孫為吾

臣弼亮奕世朕循周制竊綬爾天誰其助之幼躬後復自
舊號俾即新封用貴幽宅尚克永世可

祖故朝散大夫贈太師潭國公諡封秦國公

致成王之雅曰周王壽考遐不作人蓋歸美文王想人所由
來之遠也具官其政祖具官其世濟其美蔚為名然而德
業藏於身聲聞流於時官不過五品而位止郎舍唯是一
經之教施于曾孫我高宗取之壽皇用之天下又安於
是三紀肆朕嗣服獲家餘休非所由來者遠歟請於報本
惟其時襲封於秦實應經誼可

祖母

敕朕純用周政廣恩錫類以褒大吾輔臣之世則燕及闔門
可無追命具言其故祖母某氏儀于前人益謹內則載篤其
慶萃于開孫之周盛時公侯皆君子也而風人本之在席以

是為德在鵲巢功在采繁也我爾但兒大其後用見家政
庶幾召南從爵大邦以勸命婦可

父

敕周公拜前魯公拜後父子休顯著於春秋胡我元臣遺振
補廟此憫章之所由起歟具官某故父某襲美于家學振聲
于世科而雅不善官老於博士功業不見於世而文辭但以
詔後人也然而過庭之訓插架之書淵海駁發見於賢子經
文緯武天下頌之詩不云乎維其有之是以似之儻後申編
非所以為義之勸也爰考古誼襲爵為公庶幾周魯又為相
望不亦榮乎可

母

敕朕既本之經誼為公卿崇報補廟以修移忠之報則母氏
與尊使之匹休亦古道也具官某故母某氏恩勤斯

鞠我良弼譽在薦紳功在清廟夫嘗同其夫處約於瘞穴之
初而不及同其子處樂於簪裾之後此吾大臣為之痛南
應義也象服之弗被魚軒之弗乘有此寵綬足慰居性配
食二姑以奉祀其明尊哉因其舊號益以新封雖曰邦
亦足用勸可

觀文殿學士宣奉大夫致仕李彥廉登極恩轉光祿

大夫

敕朕以眇躬嗣膺丕緒闕焉懼無以紹列聖之休訪落求助
庶幾周成公卿大夫其將何以佐朕也具官某歷事三朝對
為元老夫致位丞弼方倚為相而不為苟同竟於謫事昔蕭
望之意輕丞相而位不過御史大夫以為身計則不工以為道
誼計多見其可尚也肆予紹朕久矣里居以卿忠諒則敬之
之頃七月公劉之風雅懿於心乎爰因舊章序進厥秩亦示

永懷以異樂告可

資政殿大學士通奉大夫知潭州王蘭登極恩轉正
議大夫

敕朕以眇躬嗣膺丕緒闕焉懼無以紹列聖之休訪落求助
庶幾周成公卿大夫其將何以佐朕也具官某歷事兩朝孤
立一意方其受重華之託而光輔上皇始初之政志言謫
論不自同於眾人蓋天下嘆其難長慮卻顧不苟安於一時
又天下服其遠也肆於紹休適分帥閩以卿忠諒則敬之之
頃七月公劉之風雅能忘於心乎爰因舊章序進厥秩亦示
懷亦異樂告可

資政殿大學士通議大夫提舉臨安府洞霄宮黃洽
登極恩轉通奉大夫

敕朕以眇躬嗣膺丕緒闕焉懼無以紹列聖之休訪落求助

庶幾周成公卿大夫其將何以佐朕也具官某歷事兩朝
為故老方淳熙之季年天下晏然橐弓橐矢簡在宥府不動
聲氣而強本折衝之功自不可掩至於行藏庶幾前朝孫文
靈張退傅之倫矣肆予紹服 佚外祠以卿忠諒則敬之之
頌七月公劉之風雅能忘於心乎爰因舊章序進厥秩亦示
永懷以異樂告可

朝散郎煥章閣待制兼侍講朱熹 登極恩轉朝

請郎

教朕以眇躬嗣膺丕緒闕焉懼無以紹列聖之休訪落求助
庶幾周成子大夫其將何以佐朕也具官某學先聖之道而
明於當世之務三仕三已義不苟合天下高之蓋累朝之所
嘉嘆而不忘也長沙謀帥強為時起肆予初政式出其端
之次對於以勸講朕將虛已聽焉爰因大賚叙進厥秩雖曰

舊章亦朕之意可

權戶部侍郎榮

登極恩轉官

教朕以眇躬嗣膺丕緒闕焉懼無以紹列聖之休訪落求助
庶幾周成卿大夫其將何以佐朕也具官某方以民譽筭在
後班肆予初政日月獻納而不記成王踐祚七月在風公劉
在雅敬之在頌皆一時耆俊為之手自今以始朕日望之爰
因大賚序進厥秩雖曰舊章亦異樂告可

在外侍從

登極恩贈父

教朕方訪落求助自公卿大夫各加地進律矣則推本其世
而褒大其家雖禮未有可不以義起乎具官某故父具官某
生有種德之勞而位不稱歿享義方之報而何其流之長也
以爾某論思獻納著節兩朝肆予嗣服心在王室非忠孝之
傳有自來歟增音備廟追錫崇階雖曰舊章亦以示勸可

在外侍從

登極恩贈母

敕朕既本之經誼為卿大夫崇建禰廟以侈移忠之報則母氏與公享以次申錫使之匹休亦古道也具官某母某氏來自名門作配君子是生賢嗣蔚為從臣夫鷄鳴警戒之道不篤則過庭之訓不嚴蘋藻不共則甘旨不謹爾某何以能移孝為忠也因其舊號易以新封雖曰邦彛亦足用勸可

在外宰執

登極恩贈妻

敕音成三豎作世修忠厚其詩曰孝子不匱永錫爾類其類維何室家之壺蓋施及臣子不但其身而亦被于室家具官某妻某氏克相夫子射為宗工積行累勞致位孤棘惟周人克廣孝思慰滿惻內肆予嗣服緊爾臣隣多助之至則為之推恩燕及閨門雖附于姑亦非大國非為私蓋周道也可

在外侍從

登極恩封妻

敕朕觀二南之詩關雎為皇后之詩而可無以為爾則正家之化君臣一體然則力定長而可無以為爾內勸乎具官某妻某氏以爾夫子為從臣獻納論思夙夜匪懈則入朝有鷄鳴之戒退食有羔羊之德非爾之助申錫命書晉之美號則在初政豈曰不宜可

煥章閣學士宣奉大夫提舉隆興府玉隆萬壽宮洪

邁弟朝散大夫新知陝州遼 登極恩母楚國夫人

沈氏加贈魏國夫人

敕朕訪落求助自卿大夫皆加地進律矣士有能尊禰廟至官一品斯足以報本矣而母氏與享為君夫人猶視列國宜益褒崇使之匹美具官某母某氏聿自名門作配君子遭時不淑萬里違離而勉正勸義庶幾風人所誦汝水之墳南山之側也天命弗替宜享後福肆予踐祚益大爾封晉之

魏邦庸示光寵庶克用勸豈徒舊章可

右丞相趙汝愚初拜贈三代并妻七月丙子拜

曾祖 贈太傅

敕昔周公位冢宰成王為之作魯廟宣王中興則命召虎亦有桓宅圭瓚以告文人我相同姓蓋周道也推本其先以致美報可無褒典以應經誼具官某曾祖具官某躬行對于古人譽處聞於公族然夷攷其世於漢恭憲王為裔孫於建國公為嗣子蓋屬未疏也而僅綴逍遙之班以其靖退足見所存夫屈於名者申於實不獲乎其身者遺其後是生曾孫迄為上相則追錄其積行之勤增華其種德之報朕敢忘周道乎晉陸帝傳於禮固宜可

曾祖母 氏贈中四夫人

敕 周盛時公侯皆君子也周召二南本之衽席以是為

內助之賢德在鵲巢功在象繁也具官某曾祖母具法某氏出於名門作配公姓身為建國婦以奉漢祀於是浸微而不病其夫子之不遇世無風人無所著見爰及曾孫篤生賢哲然則取漢上之詩以名其國為 人伴世世享亦一南之意 疾可

祖 贈太傅

敕朕既質之六藝躋勞報本以褒吾相臣之祧則嗣有今德燕于後昆由命匹休庶幾周召並建五廟不亦宜乎具官某祖具官某以王公之胄而有學士大夫之習非無富貴之階而官不達也集善為祥聿生孝子載篤其慶發於聞孫詩不云乎執之榛栗椅桐梓漆爰伐琴瑟忠孝之門豈一日之積哉我儀圖之宜爵公傳爰錫命書以貴幽壤可

祖母 氏贈 國夫人

教詩人之頌婦德必本其家世曰是齊侯之子東宮之姒也
是汾王之甥蹇父之子也具官其祖母具位是氏蓋齊陽之
昆也齊北諸昆族望其偉以其父兄子弟風流儒雅名滿天
下則爾以閨門之秀來嬪吉人克教其子得名篤行至於奕
葉遂聞兩社揆之風雅無愧在昔大邦美號饗此後福非
為生蓋德之稱可

父

贈溫國公

教朕聞之周以魯孝公訓國而漢亦謂劉德謹重使為太
常以率宗室赫然著于史傳豈非以帝繫之餘世祿之及
而篤行者難其人乎具官某父具官其踐修厥猷益自力學
被服造次必於仁義而事親之孝庶幾曾閔縉紳先生為之
起敬卒於小官亦不應謚而相與誌其墓曰宋篤行君子也
尚論周漢豈非其倫肆其嗣子致位三事朕於是稽經據古

尊為禰廟作邑於溫以寵嘉之積善之報足以不朽可

母李氏贈

夫人

教以高帝子孫而再世婚姻不於勳侯貴戚而於書生是
宜有子蔚為名儒度越故事以宗人相具官某母具位李氏
又故丞相文正公七世孫也代有家法及爾不違克相其夫
力行孝友聚族百口曾無間言躬自勞苦以成永圖一簪一
珥先入後已足宜發祥萃于吾相夫能使其夫稱於及世而
御不及百兩能使其子冠於多士而養不及萬鍾追錫德音
晉封大國我有異數非爾曷堪可

妻

氏贈衛國夫人

教朕誦二南之詩勸以義示以正皆室家也我有近臣致位
丞弼願其內助晚不同休可無惡章以貴泉壤具官某妻具
位某氏雖嬪王族實寒賤也死李二姑簪珥之望奕世載德

誰其嗣之而爾承休養美無愧在昔克相夫子遂為名臣夫
與之處約於鷄鳴榔盤之初而不處樂於象服委蛇之後儻
微追錫得無若汝水之墳南山之側遺世不淑詠歌者乎
賜小邦未足言稱晉封於衛庶幾頌入以配二姑永永廟食
可

翰林學士李燾除宝文閣學士知婺州政知太
平州

救夫厭直玉堂之廬而紆郡綬士之操也閔勞豹尾之班而
便私計上之恩也具位某早以英華簡在烈祖晚益蘊藉眷
于上皇遭逢兩朝自守一節蓋高文大冊天下傳誦而微辭
幾諫世莫得聞也肆朕纂緒入惟求舊詞然勇退曳鈴其空
朕亦准自古詞臣一視中外子羽修令兼為行人相如視草
膏使干蜀朕獨可以弄翰墨苛留久處卿乎坡延閣之班均

便藩之佚不以寶發而以當塗去繁就簡與爾整暇夫下無
懷寵之心而上有從欲之意君臣俱美不其應歟可

正奉大夫吏部尚書兼侍讀莆田縣開國男食邑二
百戶鄭僑明堂加恩進封開國子加食邑二百戶

敕朕新嗣服將有事於合宮也遠惟孝武始建漢家之封而
太史談留滯周南不與後事議者惜之朕敢忘儒先乎具官
某經明行修士所高仰不但擢科為天下第一也越後留鑰
晉長天官上皇意也至朕而決迨及盛典式端其歸蓋視漢
有光焉增衍封畝第循故事方資告猷嗣有顯擢可

朝請即試禮部尚書兼侍讀黃裳封普成縣開國男

食邑三百戶

敕朕新嗣服日有事於合宮兢兢焉懼不闕於禮而無以接
三才之與也明乎郊禘之義治國其如示諸掌乎願朕曾何

以得之具官某吾舊學也切磋經誼及於春秋郊禘之際嚴
矣有一不敬至於四卜至於改牲仲尼正色書之以詔萬世
朕所深致戒焉肆予初禋克輯盛典本所自来簡在三益徽
之上田第循故事可與治國非卿誰哉可

中奉大夫試工部尚書趙彥逾封祥符縣開國男食
邑三百戶

敕朕新嗣服日有事於合宮兢兢焉懼不閑於禮而無以接
三才之奧也詩不云乎相維辟公天子穆穆朕嘉賴焉具官
某吾宗英也使于四方拔葵之操雖天下能誦之比列後班
賢勞忠瘁太節不奪則世未之聞也肆相子祀克有上儀
徹之士田第循故事方圖爾功永相殊渥可

中奉大夫權刑部尚書兼侍講南昌縣開國子食邑
五百戶京鏗封開國伯加食邑二百戶

敕朕新嗣服日有事於合宮兢兢焉懼不閑於禮而無以接
三才之奧也詩不云乎相維辟公天子穆穆朕嘉賴焉具官
某以海內之英有言有績而執禮行於蠻貊遺愛被於江漢
往往薦紳能言之也復從班義形於色賢勞忠瘁世莫得聞
也肆相子祀克輯上儀增衍封腴第循故事方圖爾功嗣有
顯權可

朝議大夫試御史中丞謝深甫封臨海縣開國男食
邑三百戶

敕朕新嗣服日有事於合宮兢兢焉懼不閑於禮而無以接
三才之奧也詩不云乎相維辟公天子穆穆朕嘉賴焉具官
某以海內之英有言有績輦下彈壓不怒而回天之力
見於瑣闥迺若論思義形於色賢勞忠瘁世莫得聞也肆相
子祀克輯上儀徹之士田第循故事方圖爾功嗣有顯權可

朝散郎試尚書吏部侍郎兼侍講彭龜年封清江縣
開國男食邑三百戶

勅朕新嗣朕日有事於合宮兢兢焉懼不閑於禮而無以接
三才之真也傳不云乎誦詩三百不足以一獻非深知其義
者特誰與講明之具官某吾舊學也切磋經誼及詩一編蓋
自二南至我將之頌九交神明之道反覆言之肆予初裡克
暨盛典非有感於此歟胙之食采雖循舊章無言不酬於是
焉在可

中順大夫守給事中兼直學士院兼實錄院同脩撰
樓鑰封奉化縣開國男食邑三百戶

朕朕新嗣朕日有事於合宮兢兢焉懼不閑於禮而無以接
二才之真也詩不云乎相維辟公天子穆穆朕嘉賴焉具官
某以海內之英紳有譽慶蓋嘗久勞鳩切矣遂陟掖垣遂躋

璣閣不溫不喜天下誦之若夫表封情奏備極剴切於爾取
具世莫得聞也肆相予祀克輯上儀禘之士田第循故事方
圖爾功嗣有殊渥可

朝奉大夫試中書舍人林大中封永康縣開國男食
邑三百戶

敕朕新嗣朕將有事於合宮也遠惟孝武始建漢家之封而太
史談留滯周南不與從事議者情之朕敢忘前御史乎具官
某以海內之英譽慶甚羨嘗盡忠瘁侃然一臺之上矣越自
外服晉陟詞垣式端其歸遂相予祀蓋視漢有光焉胙之食
采第循舊章其益論思以稱簡權可

朝議大夫試右諫議大夫張叔椿封永嘉縣開國男
食邑三百戶

敕朕新嗣朕日有事於合宮兢兢焉懼不閑於禮而無以接

三才之與也詩不云乎相維辟公天子穆穆朕嘉賴焉具官
某以海內之英綽有譽處方平居時恂恂唯謹而侃然正色
一臺之上言人所難肆予初政爰貳冢宰爰長諫垣魚曰汝
諧也實相予祀克輯上儀徽之士田第循故事不圖爾功嗣
有寵數可

朝奉大夫權尚書吏部侍郎孫達吉封廬陵縣開國

男食邑三百戶

朝奉大夫權尚書工部侍郎兼侍講黃安封莆田縣

開國男食邑三百戶

朕朕新嗣朕日有事於合宮兢兢焉懼不闕於禮而無以接
三才之與也明乎郊禘之義治國其如示讓掌乎顧朕曾何
以得之具官某吾舊學也蓋嘗與習禮矣每至於掃地而祭至
必具九九盡內心之道凡覆言之辭予初裡克輯盛典非有

感於此歟昨之食采雖循故典無言不酬於是焉在可

太中大夫權尚書戶部侍郎兼脩玉牒官建安縣開
國男食邑三百戶表說友進封開國子加食邑三百

戶

朕朕新嗣朕日有事於合宮兢兢焉懼不闕於禮而無以接
三才之與也詩不云乎相維辟公天子穆穆朕嘉賴焉具官
某以軼群之才有言有績釐下彈壓外戶不聞民言之令郡
國晏然迺若論思義形於色賢勞忠瘁世莫得聞也肆相子
祀克輯上義增衍封腴第循故事方圖爾功嗣有顯擢可

中大夫權尚書戶部侍郎西安縣開國男食邑三百

戶梁進封開國子加食邑二百戶

朕朕新嗣朕日有事於合宮遠惟孝武始建漢家之封而太
史談以留滯周南不得從行為恨朕敢忘從臣乎具官某

有民警晉貳地官蓋方盡瘁於朝美術命比庭越在萬里之外肆予聲裡獨不侍祠朕是以於漢事有感也增大食米腐示水懷曷月端婦將有申錫可

朝請大夫權尚書禮部侍郎許及之封永嘉縣開國男食邑三百戶

敕朕新嗣服日有事於合宮兢兢焉懼不閑於禮而無以接三才之與宗伯掌禮朕之所嘉賴也具官某以海內之英聲有譽處方貳春官以禮紹予自省牲視滌九玉幣爵之事至於告時至於告備治及竣事禮無違者昨之食米蓋稽舊章方購爾勞嗣有寵數可

朝散郎煥章閣待制侍講朱熹封婺源縣開國男食邑三百戶

敕朕新嗣朕將有事於合宮兢兢焉懼無以接三才之與也

爰求儒先來相予祀其官某繼明行脩士所高仰而越在藩服朕敢忘之乎昔者孝文受釐宣室召見賈誼而武帝建封顧使太史談晉淵周南不與從事二帝優勞於是乎見此朕所以式遠爾婦也徹之土田雖循故事願後事者蓋庶幾焉

止齋先生文集卷之十六

外制

特進觀文殿大學士提舉臨安府洞霄宮廣陵郡開國公食邑五千三百戶食實封一千五百戶萬壽明堂加恩加食邑五百戶食實封三百戶

較朕新嗣服日有事於合宮兢兢焉懼無以接三才之奧也駿奔在廟豈無辟公金玉爾音尚想故老具官某歷事兩朝蔚為元輔蓋嘗溫恭朝夕執事有恪侍我烈祖爰暨上皇執珪幣見上帝者屢矣肆予肇禋均佚就國相維穆穆於以永懷方周盛時微子以二王之後率來助祭有客頌之孝武始建漢家之封有臣如太史談而以留滯周南不與從事為恨朕雖不能比德於周邦視漢有光焉其因舊章增大食采非苟為恩蓋示不遺之意可

在外宰執明堂加恩

敕朕新嗣朕日有事於合宮兢兢焉懼無以接三才之與也
駿奔在廟豈無辟公金玉爾音尚想耆俊具官某歷事烈祖
勳為宗工蓋嘗齊明盛服習於侍祠之禮矣肆予肇禋均佚
分闡相維穆穆於以永懷方周盛時有客助祭詩人頌之孝
武始建漢家之封而太史談留滯周南以為恨朕雖不
能比德於周抑視漢有光焉其因舊章增大食采非苟為惠
蓋示不遺可

在外侍從明堂

敕朕新嗣朕日有事於合宮兢兢焉懼無以接三才之與也
駿奔在廟豈無辟公金玉爾音尚想故老具官某簡在烈祖
勳為名臣蓋嘗齊明盛服於侍祠之禮矣肆予肇禋均佚殊
官或云越在輔郡或云越在相維穆穆於以永懷夫留太史
外服或云亦既謝事

於周南自昔浩嘆劉賈生於宣室至今美談朕覽漢事豈
能忽然於卿等乎爰因舊章增大食采非苟為惠蓋示不
遺可

張淑妃明堂恩贈三代

曾祖母

敕朕有事於合宮既蒙嘉貺均休於戚里益廣及恩眷言妃
德之賢夙備皇宮之列爰稽邦典追賞百門具位某氏故曾
祖某謙和本於性資醇厚推於鄉黨善修於身而不享其報
慶流於後而端有其原迨其三世之孫遂應四星之象茲盼祭
澤爰陟師垣精爽如存寵光是服可

曾祖母

敕備慈庭之妃掖象應四星敷祭澤於私門寵及二世具位某
氏故曾祖母某氏柔嘉協淑謹流徽好善稱族之間

種德及子孫之遠是生賢女 選皇官慶需漏泉郵章告第
懿魂未泯新渥其承可

祖

敕朕肇盛禮於明堂敷大賚于天下惟慈宮之妃列夙膺皇
眷之隆加異典於私庭實率邦彝之舊具位某氏故祖某官
某善積於已行信於人報不在於一時慶乃流於再世澤被
女孫之淑象應四星 之恩寵齊三事茲開大國載錫
恩書永隲有光靈祐式慰可

祖母

敕熙事備成湛恩汪濊乃眷四妃之貴列于皇宮爰加再世
之封賁其祖配具位某氏故祖母某氏相夫以勤儉為本素
後多福慶之儲孫枝生賢門楣遂大朝敷祭澤邦有舊章爰
改昨於營 立尚歆承於稟命可

父

敕方被神釐慶成三歲永言妃德象應四星爰加愍章用慰
稱厥具位某氏故父具官某幼躬有慶操行靡它豹畧之才
高於革行鷄鳴之凱出於閨門茲誕布於湛恩宜追勗於邇
典爰因舊爵改畀新封精爽如存寵光是服可

母

敕朕心謹親祠恩如湛露亦懷妃掖念在蓼莪爰按邦彝載
盼贈興具位某氏故母某氏蔚有婦德克相夫家凡此嬪則
之賢匪母儀之訓生蒙象服既極寵光沒啓芳封又多福
履茲敷惠澤更建名邦尚克歆承以慰冥漠可

右丞相趙汝愚 明堂恩贈三代

曾祖 贈太師

敕朕 成王踐祚肇稱盛禮端美辟公相維穆穆文武宣播

燕及白二天朕甚慕焉屬茲受釐無德不報蓋周道也具官某
曾祖官其積有善祥單及來裔是生者哲為吾相臣維周
公孤並建五廟賜也婦昨游有寵嘉賓爾曾孫共輯熙聖周
制亡失何以崇報爰頒異數晉陟師垣庶幾疇勞無愧在昔
可

曾祖母 氏贈陳國夫人

敕周之祭澤至於既醉盛矣其詩曰孝子不匱永錫爾類其
類維何室家之壺則施及臣子不但其身而亦被于室家具
官其曾祖母具位某氏克相夫子行修閨門聿生曾孫間我
兩社朕惟周人推廣孝思慰滿祖內於茲初裡佐佑乃辟實
維爾孫則綏以寵光昨以大姬之國朕敢忘周道乎可

祖 贈中國公

敕朕閱宗人之譜蓋因侍祠追錫其祖父尊寵多矣未有子

孫致位三事而後及此者具官某祖具官某雖在天族猶寒
酸也克世其家濟以清約是生良弼簡在兩朝如周諸姬如
唐諸李於是度越比例及於茂恩矧惟肇裡澤及四海爰錫
公爵作都于申其視宗牒不有光歟可

祖母晁氏贈吳國夫人

敕維昔宗婦不少概見而衛有碩人魯有令母於周諸姬稱
著名於六藝豈不盛哉具官某祖母具位某氏以濟陽之是
來奉漢祀廼生孝子名在薦紳廼生聞孫功在清朝肆於祭
澤洽比幽明申命于吳增大爾邑蓋與衛姜曾母相望千載
亦足為宗婦之勸矣可

父 贈 國公

敕朕讀史至漢興以來宗室子弟無得公卿位者而坐封
金奪國動以百數未嘗不慨嘆也於是既祠純用周政策

宗輔告其文人申錫名邦宏賁禰廟具官某父具官某以同
姓而行誼篤於韋布以右選而聲聞賢於儒林即所躬行施
及其子遂魁多士遂冠從班擢自樞筦徑司宰事疇昔之夕
相于合宮三靈具體百福來下洪惟我家生此賢括本支百
世與周匹休下視漢事則九原可以自慰矣可

母李氏贈吳國夫人

敕朕既合爵書勞為公卿大夫崇報禰廟則母氏與享可無
褒典使之匹休具官某母具位某氏嘗相其夫以孝聞於四
海嘗教其子以賢著於三朝日者爾子相于世室克輶威儀
而可忘所自乎因其舊號錫以新封我圖異方用以命汝其
世世享以綏後人可

妻氏贈益國夫人

敕魯人之頌信公至於閔官享祀不忒及其今妻以是為內

助之賢也具官某妻具位某氏嘗與吾相臣共隱約躬定省
想夫蘋藻之共俎豆之飾以薦時事無或不虔也日者合宮
而爾夫有駿奔之恭無跛倚之色推本內助賢於魯人我錫
贊書與封於益奚斯作頌侯邦之私孰如爾名藏在王府可

知樞密院事兼叅知政事陳騏 明堂恩贈三代

曾祖贈少保敷贈太保

敕朕觀成王踐阼肇稱盛禮而婦美辟公相維穆穆文武宣
哲以克燕安甚心慕之屬茲受釐無德不報蓋周道也具官
某曾祖具官某躬行對于古人汎愛聞於鄉譽而懷道不試
士論惜之集為善祥輩及來裔是生者哲為吾樞臣維周三
孤並建五廟賜鬯婦胙游有寵嘉賓爾曾孫共輯熙事而周
制亡矣何以崇報申錫命書晉陞帝保以義起禮亦庶幾焉
可

曾祖母滕國夫人成氏贈福國夫人

教周之祭澤至於既醉盛矣其詩曰孝子不匱永錫爾類其類維何室家之壺則周家忠厚施及臣子不但其身而亦被于室家具官其曾祖母具位某氏克相夫子行修閨門是生曾孫功在宗社且夫既醉非旅酬之事歟推廣孝思慰滿相內况朕初裡懼關於禮佐佑乃辟實維爾孫則綏以寵光為之報本侈其舊封昨以上國朕何愧於周乎可

祖贈少傅策贈太傅

教朕既本之六藝不愛高爵以宏責陳氏之祧則嗣有令德休于後昆可無褒典以應經誼具官某祖具官某當天下之清得幽人之履太史之觀風不講而文采無以自見孝廉之科廢而實行不上於計書也天命弗僭為之生孫既長樞旌又陪國論推本所自當及茂恩肆子初裡疇勞相祀宜及爾

考並為三公荷天之休其世世身可

祖母崇國夫人朱氏贈福國夫人

教既醉之卒章曰疇爾女士從以孫子言周之群臣皆有士行之女以為之妃使生賢智子孫足以傳世具官某祖母具位某氏夙以懿行嬪于名門儀于前人以詔婦子載篤厥慶幸於聞孫夷攷其行不足以當既醉之卒章乎有崇故封未之言稱大邦美號聿從其姑質之二雅誰曰不可可

父贈少師謹贈太師

教自亞保以來及是三葉蓋王室百年之間而幼躬燾後如一日也於吾宗工尊為禰廟朕豈敢齒於禮乎具官父具官某義方之教不以簾金陰德之傳不以駟馬成我碩輔蔚為宗工緯武經文何鄉不可是不謂之賢考歟日者合宮有嚴美報生民尊祖視古不慙而大臣之禰位不稱德以卑臨尊

若非周道申錫贊書冠班九棘非以為生蓋禮之稱可

母杞國夫人成氏贈福國夫人信國夫人王氏贈

福國夫人

教為吾股肱之臣上有三世皆褒大之而况於其母乎御不及百兩養不及萬鍾也而無以慰之予心惻焉具官某母具位某氏承休襲美發育有躬恩斯勤斯鞠我良弼采蘋所共雜佩所贈恭儉精白無非教也揆諸周制則被以象服乘之魚軒為君夫人孰爾宜者亦視王母並建大邦雖曰均鑿誠有以致此矣可

妻 氏封

設朕誦二南之詩流衍采繁相與共祭自天子達皆內助也仲尼序詩定為篇首寓意深矣具官某妻具位某氏來自名門克知夫子會期有鷄鳴相警戒之道而退食有鷓鴣致節

漁之德日者合官而祭也相于肆祀吉蠲齋明迨及竣事禮無違者則豈唯關雎之助哉而爾亦與有勞矣錫之美號爰示寵光雖曰舊章實應經誼可

給事中兼直學士院樓鑰 明堂恩父贈通奉大夫

璩加贈正議大夫

敕朕既舍爵書勞自卿大夫以次第賞矣則推其世家為之報本雖禮未有獨不可以義起乎具官某故父具官某生為才大夫而用不盡效為賢考而何其流之長也屬予初禋百執事在廟爾鑰不但駿奔匪懈而發揮潤色凡祀之大號皆稱朕意非爾素教而克然歟追錫有彝爰進厥秩非以為生亦德之稱可

權吏部侍郎孫逢吉等 明堂恩贈父

敕朕既舍爵書勞自卿大夫以次第賞矣則推其世家為之

蔡本雖禮未可義起乎具官某故父具官某生有種德之美而位不稱歿享義方之報棟煥焮碑牘云生弱積而何其流之長也屬予初裡百執事在廟爾某不但駿奔匪懈而敬之顯思之戒日徹於聽聞也幼躬燾後非爾素教之所自未幾追錫有美爰進厥秩非以為生亦德之稱可

煥章閣待制侍講朱熹 明堂恩贈父

敕朕方舍爵書勞自吾後臣以次第報則推本世繫及其禰廟皆寵綬之亦祭澤也具官某故父具官某少而英發晚益深造渡江諸老多其師友嘗歷郎闈秉史筆力詆和議緒正謗史蓋宮雖薄而志在於天下後世也位不稱德識者恨之屬予肇裡有嚴美報則爾有賢子勸講路門可無褒典以慰罔極之懷中追錫崇階用資泉壤非以為生亦德之稱可

母

敕朕既為卿大夫宏賁禰廟以修教忠之報則母氏與享可無申錫使之匹休具官某母具位某氏來自名家克相夫君子本之純厚申以敬恭其仰而事姑備極順適俯視騰御又何其不察察也是宜篤慶聿生賢子樹為儒宗名滿天下則加以美號用慰孝思我有茂恩宜不汝吝可

右諫議大夫張叔椿 明堂恩贈母

敕朕方舍爵書勞自卿大夫以次第賞則為之報本及於母氏使匹休於禰廟不亦可乎具官某故母具位某氏克相大雅如商甘盤復生賢嗣如唐弼然而生不得與於從爵之祭晚不得享夫五鼎之養儻無愍章以賁幽壤何以慰爾之靈樂我也因其舊號益以新封雖曰邦彛亦足用勸可

妻

敕朕誦二南之詩勸以義勉以正皆室家也我有從班豈無

內助具官某故妻具位某氏儀于前人克濟其美遂相夫子
為吾諍臣夫與之處約於雞鳴榔壘之初而不與之處樂於
乘服委蛇之後儻無追錫得無若汝水之噴南山之側遺世
不淑詠歌辛苦者乎爰錫替書以貴幽宅可

孫逢吉

明堂恩妻恭人李氏封令人

敕朕誦二南之詩至於流苴采藥相與共祭自天子達皆內
助也故詩人誦之仲尼定為篇首其意深矣具官某具位某
氏以爾夫子為吾從臣肆予初禮執事有恪以朕之獲助於
長秋則爾亦可以
職之賞矣晉封美號庸示寵光
曰舊章實應經詔可

在外侍從

明堂恩贈父

敕朕既合爵書勞自卿大夫以次第賞矣則推其世家為之
報本詩不云乎孝子不償泉錫爾類蓋周道也具官某故父
具官某生有種德之勤而位不稱沒饗義方之報而何其
之長也屬予初禮有嚴美報生民尊祖視古不慚而可以忘
爾某之禰廟乎本之經誼追錫崇階非以為生亦禮之節可

在外侍從

明堂恩封妻

敕朕誦二南之詩至於流苴采藥相與共祭自天子達皆內
助也故詩人誦之仲尼定為篇首其意深矣具官某妻具位
某氏以爾夫子為吾從臣肆予初禮克輯盛典則豈惟長秋
之故亦爾巨工嬪婦
其流及上則不失職之賞庸可
乎晉封美號爰示寵光雖曰舊章實應經詔可

江大定知九江郡

敕具官某嘗為嶺南郡卓然以廉惠聞而無以旌異之何以
勸遠更乎九江名邦牧以選授是用命汝式賞賢勞益國民
庸以俟迪簡可

倉部員外郎汪梓陸郎中八月十四日除

敷以日月為功固非所以待賢能也而功令亦不可廢况晉
後為郎與員外置者絕有間抑足以昭宿業勸寡過庸可
手可

朝散郎江西提舉汪達除員外郎

敷具官某難進易退賢士之操也爾某議禮容臺浸有休
及汲焉以外服為請雖留行不顧也將指奏公亟頒召節則
舒遲累月翔集可觀是不謂之士操歟郎闈之選南官某請
往其欽承踐修家學可

中奉大夫提舉冲佑觀豐詎除吏部郎官奉議郎王

聞詩除考功郎官並九月八日

敷具官某等仕至於刺史二千石亦通顯矣而浩然有歸
是不謂廉退之操歟爾詎持節湖湘吏畏其敏而固稱老

聞詩秉麾淮甸民安其寬而固謚疾朕以是嘉之俾還郎省
分治銓事往祇成命母有遐心可

止齋先生文集卷第十七

外制

同知樞密院事京鏜初除贈三代

曾祖 贈太子太保

勅昔宣王中興登用將相必推其世系本之始祖自南仲召
虎韓侯之雅皆為此言謂是文武成康之世積累致然而非
一日之故也具官某故曾祖某躬行對于古人鄉譽高於月
旦而懷道不試有識惜之爰及曾孫遂生賢佐夷考其世則
朕之得人所自来遠原始根本可獨愧於周乎建錫宮保視
儀孤卿雖曰舊章實應經誼可

曾祖母 氏贈郡夫人

勅周之公孤並建五廟以君夫人祔焉而世世享亦惟釋臣
能有功於國者必有助於其家者也具官某故曾祖母某氏

來自名門作配君子躬備勤勞以詔婦子而生無從爵之榮
歿不得與於共牢之享天命弗僭是生曾孫為吾輔臣以明
樞筦朕循周制寵綏爾夫申錫郡封視古命婦用資出宅亦
足以報可

祖 贈太子少傅

勅成王之雅曰凡周之士不顯亦世世之不顯厥猶翼翼思
皇多士生此王國蓋言周之得人繇文王以來世家之所由
生也具官某故祖某克承其緒以紹前聞因之以共儉加之
以惠和至于生孫偉然人望佐我宥府海內晏然揆諸周人
寅念祖烈及其世家則爾勛躬燾後可無褒典以慰居社命
之儲傳於禮固宜可

祖母

勅朕既純用周政廣恩錫類以褒大吾輔臣之世則燕及門

門宜有追命使之匹休具官某故祖母某氏儀于前人益謹
內則載篤其慶萃于聞孫方周盛時公侯皆君子也而風人
本之衽席以為德在鵲巢功在采繁也我儀爾祖克大其後
用見家政庶幾召南為君夫人斯禮之稱可

父

勅為吾股肱之臣褒及三世而况禰廟乎周公拜前魯公拜
後亦周道也顧今九原已不可作此憫章之所由起歟具官
某故父某官某德積於身而位不過八品行修於家而功業
不見於世過庭之訓施於嗣人而資父之忠簡在烈祖肆朕
續緒擢為樞臣天下賴之繫爾之訓詩不云乎維其有之是
以似之不有申錫非所以為積行種德者勸也爰考古禮爵
為公師其始自今不一而足可

母

勅朕既本之經誼為卿大夫崇報禰廟以修教忠之報則母氏與享以次寵綏使之匹休亦古道也具官某故母具位某氏来自名門作配君子是生賢嗣蔚為樞臣譽在薦紳功在清廟夫鷄鳴警戒之道不篤則一經之教不嚴蘋藻不共則甘旨不謹爾鏗何以能移孝為忠也因共舊跡益以新封雖曰曩章亦足用勸可

工部尚書趙彥逾除端明殿學士知建康府恩數

依執政月十八日

勅維我烈祖作新同姓使與天下寒士共趨功名之會蓋一時興起藹然多名卿大夫矣朕方相其魁傑而次第用之以昭我烈祖作人之盛具官某奮自儒科積有民譽言蓋拔膏粱之習而獨清修苦節甚於布衣豈惟不以高帝子孫自居而謙謙唯謹不敢遺於僮僕也肆朕嗣服而忠勞見於大節之

際夷考周漢同姓有幾則朕將何以對揚烈祖之意昔周人救康王之事而孜孜於仲山南宮毛漢錄代來之功而額獨後朱虛之賞二代治効醇疵與其俗薄厚於是乎見是用極之以必殿之隆名申之以 轄之異數分釐晉都增大食采凡所以尊寵卿至矣尚其懋哉毋忘忠報可

石正言黃度除直顯模閣知平江府乞祠祿差主管

冲衍觀

勅具官某昔者汲黯薄淮陽而願備左右拾遺補過蓋天下不以黯為懷寵而咎漢武之不容直士也姑蘇近輔朕重其牧以爾度懷材屬操濟以惠和是用輟從諫省以重北門而不屑就若爾度有汲直之風矣無乃使朕侑漢武乎從欲奉祠固非朕意母為考槃永矢弗告則予汝懷可

新除考功郎官王闡詩覃恩轉官

勅具官某朕方嚴祠而爾遽歸留之即闢以濟世美緣恩佳
秋又率舊章視漢曹生召對宣室而不見用爾不謂之遭時
乎可

知靈國府木待問除煥草閣待制

勅族方隆孝治瞻言慈惠上者所及今誰在乎將第大功而
何舊學越在外服也兵官其蚤以搖筆簡在烈祖晚而勸講
眷于上皇胡然江湖荏苒歲月一時輩作些為三事而猶紆
宣成之紐乎白魁多士及班從官於今守宣事久論定而又
曹歲不叔克完爾心詔落起疾閭郡見德朕覽奏計益嘉賢
勞欠對口清我有是數一朝疇之誰曰不可可

尚書文官員外郎林季友除右司員外郎九明二十

勅具官某言不云乎彼都人士弘表黃黃其容不改出言自
立而某似之輟從即闢崇掾宰事蓋將試可以究爾能尚其

懋哉母曰序進可

韓彥直致仕

敕三朝法從方欽企於告猷奕世賢勞何遽聞於謝事姑惟
從欲益亦流恩具官某顯允材猷懋昭聲聞以雲臺功臣之
後奮自儒科以璧水寒峻之文明於世務踐更中外嘗試險
夷投之於撥煩而咸宜強之以易武而不愠至於歸休殊館
殆遺簪紱之榮論次本朝雅有簡編之樂肆予初政懷此舊
人屬抱沉疴竟安居里亟頒新渥猶阻侍朝覽奏牘之所陳
想抱紳之何及晚節末路固莫奪於忱辭故國世臣尚益綏
於壽域於焉增秩抑又念功可

四川制置使奏辟知州慶符縣謝辛討捕叛夷有

勞身死特贈

敕某官以攝官而冒萬死以保縣而奏膚公有臣如此而

無位無年可為嘆惜也追錫一秩寄於異恩以慰沉寘且勸耆老可

煥章閣待制知鄂州

信知池州

教故事以待制而上官典于大州大抵以望郡多宿兵耳朕

方以此意擇牧敢輕授其官其奮於書生而為才大夫肆

我烈祖簡在法從代言掖垣 教瑣闥議論風指得聞一時

蓋薦為紳翕然以為落筆妙天下也晚領名藩屢聞最謀夫鄂

渚池陽今江湖重兵處也萬竈與民居相錯而介士往往不

樂於文吏朕即已試自鄂徙池爾其深知托重之意而不厭

薄以是為煩調護也而非苟易置則予汝嘉可

端明殿學士中大夫新知建康府趙彥逾改除四川
安撫制置使兼知成都

較分閩於外蜀為專宿師於邊蜀為重欲省賦以裕民又蜀
為急而比年謀帥多輟從臣朕擇其人班在丞轄尤所以加

惠蜀也其官其廉足以律百吏之貪靜足以應多故之變簡

在兩朝績用甚茂至於試之撥煩而無難辭居之絕遠而無

愠色又何其過人也羽儀禁涂物望愈偉肆朕嗣服益見忠

操引以自近宜在本朝朕亦惟自昔功業之臣一視中外鄭

武相周義和就國鄩侯當軸平陽徂齊以卿一意首公無有

遐適其為朕崎嶇萬里以寬西顧豈顧介然于懷歟昔在

神考亦強趙亦而今朕所以煩卿又自有意噫周以宗強苟

不居中必為二伯此王道也非朕所以煩卿之意也予式嘉

其歸日月可冀可

新除江東提刑陳公亮除福建轉運副使

教具官某凡持寰內之節往往雅意本朝也爾詳刑于郊展

績甚茂簡在慈宸行且適歸而秉心無競固自引卻將輪江

表亦非其好我圖爾居莫如閩部會使者易地爰改畀爾其

為朕通八郡之鹽筴以紓吾民則朕以懌可

趙渙補官

教具官其曆學不精占天者病之爾以家傳益究其術自吾賢士大夫亟稱焉取諸右階使為保章氏其與時人訂正略以成吾敬授人時之志可

潛邸有勞轉官

教具官其朕第醜潛邸之勞雖小臣不忍遺而亦不敢私也以爾歷年彌久庸進二階其尚靖共毋曰倖得可

薛登降兩官

教具官其古之人重請而况違三尺以請乎違三尺以請且不可又以不得志焉而咎所從請之人宜鑒兩階以警貪官可

骨拜補直金國賀正使充引接儀範回程循修

教具官其凡出疆者有賞所以勞苦之也爾嘗隸使事與驅馳考進一階且書於籍為賞亦不薄矣可

趙公介知舒州

教具官其能舒於淮為名郡擇守往往皆名流也爾所試吏雅有治稱蓋薦紳翕然以為通才爰付此土以究爾能尚其懋哉以圖報効可

趙蕃知嘉定府

教具官其爾以蜀之人望之子而典州有治行是用明旌昇爾潛藩矧嘗為別駕民譽藹然於焉不特可謂眾允詩不云乎維其有之是以偕之益茂乃績無忝所生可

淮西提舉張同之磨勘合轉一官乞回授封母

教具官其以年勞增秩其在功令會計至纖悉也而爾同之固請賜恩於母是足以發明人子之心矣詩不云乎是用作

歌將母來諗此周所以勞使臣也爾方馳驅淮甸勞來安集
吾民則朕豈有愛於此哉可

朝奉大夫江東提舉陳士楚除吏部郎官
具官某所以舊學之臣持節行郡且滿歲矣趣歸即有以
愈永懷經說一編尤在藏史朕方資之潤色初政無言不酬將
有殊渥可

朝奉郎湖北提刑陳謙收捕徭寇有勞特除直學士

閣

教具官某有以書生而可以即戎是不謂之長才激爾某嘗
有位於朝矣介在下僚無以著見試之劇郡談笑而理越持
湖節遂克徭寇誠得如數十輩萬物吐氣非爾之謂乎寓直
延閣姑以勸功實諸周行誰曰不可可

汪楚材王圭收捕徭寇特轉三官

教具官某徭人犯邊爾以戶掾攝機幕以繼軫爾能帥其旅
不日克之有司差其獲級宜進三階悉以畀汝以勸果毅可

知宜州沙世堅收捕徭寇有勞特轉團練使

教具官某爾威名著於嶺南薦紳能言之比擢自遠服改畀
郡符而桂林之奏牘始至日者討平徭人爾功居多朕益壯
之粵自刺州寵以戎團之峻賞不踰時吾豈愛此義不憚難
汝將安報乎可

知饒州樂平縣楊簡除國子博士九月二十七日

教朕方崇長學校所以加惠諸生甚渥也則聯教事於其間
宜得名士爾簡蚤有賢譽不求聞達徒勞縣章益務持養莫
以不俟滿歲俾長胄子豈惟諸生又以為善類勸也可

廣西提刑胡長卿除廣西路轉運判官主管冲佑觀

張玠除廣西提刑

教具官某嶺南去朝廷遠而民困於益筴之數易枉於訟年
之偏聽朕惻然念之為擇膚使以爾長卿嘗司臬事晉之輪
漕以爾珩嘗持湖節俾之詳刑其各為朕布宣德意以惠遠
氓則朕以懌可

國子正陳希點太學錄湯壽並除太學博士以明二十
教具官某朕新制服崇長學校所以加惠諸生甚渥也則聯
教事於其間亦盡序進矣爾希點爾壽俱以名勝來掌學士
之版譽處藹然也晉之講席發明經意僉曰汝宜則朕以懌
可

祕書省正字李壁除校書郎九月二十九日

教具官某詩不云乎君子有之維其有之是以侶之以爾先
人文墨縉紳之選而垂名千載但見於史筆宜爾之能嗣其
業也校書郎府益博爾文鴻漸之序於是焉始可

主管架閣文字陳正除國子正戴溪除太學錄並時月
教具官某朕方崇長學校所以加惠諸生甚渥也則聯教事
於其間宜得名士爾溪爾正皆以經行教授于鄉從游之獲
滿戶外也凡學之胄子與國俊造爾其為我糾治校教之益
自著見以頌明妙可

端明殿學士四川安撫制置使趙彥逾贈三代

曾祖少師崇國公謚清簡 加贈太傅

敕朕閱宗人之牒蓋追錫其祖父尊寵多矣未有子孫以功
名著見致位承轄而後及此者具官某故曾祖具官某雖在
天族猶寒暖也克世其家濟以清約易名之謚同姓蓋鮮是
豈苟得之哉迺生曾孫簡在法從肆朕嗣服厥功甚茂於是
度越凡例及於異恩而爾亦自三孤晉陞帝傳其親宗牒不
有光乎可

曾祖母崇國夫人

氏加贈

國夫人

教婦德為難而宗婦尤難其人也朕觀詩人之誦賢婦於諸
姬獨稱魯衛豈不謂之難歟具官某曾祖母具位某氏出於
名門作配崇國縈純自持動有軌度假使生周之時則衛姜
魯母之倫矣侑食于崇於禮為稱晉封大國又以聞孫允爾
宗婦視此用勸可

祖

加贈太子太傅

教朕觀漢宗室以恩澤侯且王者何限曾不長久徃徃國降
世祿之家鮮克由禮古人所以歎息也具官某故祖具官某
以崇國之子益自好修克勤克順以詔厥後至於孫子遂為
餘臣而朕亦追錄其種德之功為之美報粵自右階陞躋宮
傳其視漢王侯自著浸微何相絕也尚克有知是以自慰可

祖母淑人

氏贈

郡夫人

教詩不云乎藝之榛栗椅桐梓漆爰伐琴瑟况得才而用之
而不錄其所自生非詩教也具官某故祖母具位某氏作配君
子行修於家粵及其孫迺生才美周人作頌祖妣攸同蓋未有
不獲助於其內而收効於其後者粵自命婦躋以郡封為君
夫人實應經誼可

父

加贈太子少師

教自帝傳以來於是三葉而義方之教何其獨隆也具官某
故父具官某以王公之胄而有士大夫之習非無富貴之階
而官不達也集善為祥聿生賢子清名特操庶幾儀休其視
漢儒不以簾金而以一經不以駟馬而以陰德殆無愧焉寵
之官師雖曰褒典非以為生蓋德之稱可

妻淑人

氏贈

郡夫人

教朕誦二南之詩勸以義勉以正皆室家也我有近臣致位

丞弼顧其內助晚不同休可無懸章以資泉壤具官某故妻
具位某氏儀于前人克濟其美遂相夫子曳履從班夫與之
處約於鷄鳴盥櫛之初而不與之處樂於象服委蛇之後儻
微追錫得無若汝水之墳南山之側遭世不淑詠歌辛者
乎粵自命婦疏以郡封爾其享哉永祔姑室可

龍圖閣待制知潼州府閻蒼舒除煥章閣直學士提
舉江州太平興國官

敕朕新嗣服有懷者俊庶幾聞而作興曰盍歸乎來而何適
以賢勞欲辭州組不顧乎具官某材猷出於革學議論近於
前聞蚤陪禁路邁往不群而晚為岳牧又何其豈弟也竟上
象章將就居里六閣通班莫高於學士殊庭均逸莫便於外
祠申錫命書勉從所欲毋為考槃永矢弗告此朕之所以圖
於卿也可

知成州字文子震知潼州府

敕具官某以吾臺閣之臣而淹恤之久僅起為州又絕遠外
此士論所甚鬱鬱也謹於所部為東西蜀地望甚重界爾州
組能益輯外庸嗣有褒異可

新知真州權安節除利州路轉運判官朝奉大夫徐
柟除廣東路轉運判官

敕具官某等夫持節行郡國是為周王入漢部刺史也然周
以下六漢總統六百石何歟深知此意宜何以圖報乎爾安節
尚懷郡章爾柟昔有朝蹟會擇遠使念曰汝堪此周漢意也
安節誠以其惠清江之民者將漕於蜀部柟誠以其惠奉陵
之民者將漕於嶺表調度不煩抑揚無阿是足以歸報矣可
司農寺丞李大異除夔州路轉運判官十月二十日
敕具官某天持節行郡國是為周王入漢部刺史也然周以

下士漢逸秩六百石何歟豈非擇英俊之在下僚者試可之乎爾大異嘗以文藝得雋春官蓋輩學往往膺仕而方抱槩修書徒勞州縣之間也晚綴班行又取平進若爾者是足以循周漢之制越次而出節矣將清斐門布宣德音自今以始庸究爾能可

籍田令費士寅除太學博士十月 日

教具官其以西州之彦嘗先闔郡策名春官日來造朝風度醞藉東州士樂與群居也猶為籍人未足著見分以橫經之席往哉汝諧可

武學諭黃棗然除武學博士主管架閣文字符來

除武學諭並十月二日

教具官其等字猶左學也朕既妙選凡掌東學之士則其學可以次與矣爾棗然習都講席爾來史職教學於其

間經武締文於穆士論不亦可乎可

知州不畫問除司封郎官淮西提舉張同之轉一

官再任

教具官其等萊政十二著於周官苟非其人是徒法也爾畫問以郡太守同之以州刺史當歲不淑克究爾心使境內無萊色計書來上朕甚嘉之誠得監牧如二人者布之海內吾民其蘇矣乎書勞進秩宜見褒異至如畫問訖事端歸郎省同之善後因任使華朕意攸屬無有內外可

軍器監主簿王恬除司農寺丞將作監主簿劉三傑

除太府寺丞並十月三日

教具官其等列寺丞非所以見才也以今仕版徒勞州縣蓋未嘗有一日朝蹟者而校數之則是亦足以致身矣爾恬爾三傑非嘗淹恤於州縣者歟頃因揚簿正二監今以恬丞大

農三傑丞外府豈足見汝才哉尚務靖共以須器使可

主管官告院李孟傳除將作監主簿幹辦諸司糧料院張震除軍器監主簿並十月四日

教具官某等二監於百官事為簡薄正之職於監事益簡有以好修不務競趨者居之斯不謂稱乎爾孟傳震無以為序進而加勉也可

浙西提舉鄭公顯改除湖南提舉

教具官某漢三五之禁吾本朝莫之行也至士大夫以嫌自言則亦從欲以使其私爾公顯持橐內之節風指凜然而以司憲姻黨雅不欲聯事也懷章來上易汝湖湘姑徇爾懷身曰胥遠可

止齋先生文集卷之十七

止齋先生文集卷第十八

外集

知襄陽府張杓知建康府

勅維周公太公功在盟府而伯禽見於費誓呂伋見於康王之初克世其美垂名六藝顯允魏公弼亮二祖咨爾後人宜自著見具官某殿修厥猷謀畧輻輳收民馭七何鄉不可內吏擢茲文昌論思績用甚茂稱者不容口也備邊襄州隱若敵國太上疇勞款徒秣陵而未果肆朕嗣服爰咨分闡任重督鑰莫如爾宜且夫金陵魏公之所經畧也元勳大節賈志未就歷年於此胡能嗣之文事武備兼修者何術內寧外憂長慮者何事其究爾心以圖忠報豈惟先正將二祖亦寵嘉之可

朝散大夫知南外宗正事趙不翔換右監門衛大將

軍濠州團練使權知太正事

勅具官某自藝祖置太宗正以睦親族蓋歷年於此本支輝
聽世次櫛比而無志竟職此之由可不謹擇之乎爾屬尊而
身處官運而志無競爰自左遷改畀南班秩以門衛之宗加
以戎團之峻甚尊寵矣益輯宗盟以綿帝系生其勉哉可

自秘閣劉穎除直顯謨閣江東轉運判官

勅具官某課賢勞耶則誰如汝多采民譽耶則誰如汝著况
又查恤朕豈忘汝也江表將清司存與留都相時蓋視畿甸
等耳煩爾調度以寬州縣之急歸報有期勿替前績可

浙西提刑黃適知贛州

勅具官某粵從臺掾遂昇畿節不可謂不遭時矣章貢名邦
選牧為重而其民亦號難理大地重則浪宿望事難則藉谷
德疇咨爾且就畀州組益究民庸毋曰遠外可

太學上舍生李斗南葉元英賜釋褐出身

勅某等科日之制至嚴密也而跡學校進者則課其功緒蓋
有不待試於春官而策之廷者焉亦既得雋矣屏予嗣服又
拔其尤若爾其其者而即官之則所以加惠諸生豈不盛哉
可

侍衛步軍司後軍統領戚拱宿衛部轄官兵特轉一

官邵達 孫光祖 鮑信 陳孝慶 孫顯忠 夏震 蕭

勅具官某環列之尹著於春秋書勞進秩則有常典爾其毋
憚煩使式克欽承則予汝賞不一而足可

湖南提刑趙不邊除江西提刑寺丞趙 除江西

提舉

勅具官某等自江以西綿地數千里其吏善讀律其商善趨
醵若之利而其田疇多旱潦部使者得其人則刑罰中而訟

銛之俗易禁弛散欵行而民不失業以是不邊詳刑胡湘不
偏聽於單辭爾 率職省寺謹厚而無失其以不邊序遷臬
司 為庾氏皆王人也觀省風謠布宣德意可不勉乎可

張縯除直秘閣官觀

敕具官某以熙寧論事之臣之後其文足以自見其學足以
自飭此吾烈祖所以實諸冊府上皇以為郎若卿也晚分郡
符數上奏計雖不見察於部使者而見直於言路而秉心無
競固請解組成爾素履歸休外祠還爾舊著寓直延閣尚對
新渥以為後圖毋若考槃永矢弗告可

江東轉運判官劉頴知平江府

敕具官某將輸江東方錫贊書擇牧吳門又分符竹爾亦會
朕指乎以爾才足以撥煩且宜引以自近也夫足以撥煩
彌節而為劇郡所以發遊及之有餘引以自近則置諸扶

馮州之間蓋鴻漸之序也深喻此指無非簡記蓋疾言驟以
對新渥可

李嘉謀知襄陽府

敕具官某維烈祖旁求西州之士幾無遺材用以為公卿大
夫多矣而一時同進宿留州縣位卑官薄聲聞諒然者猶一
二數朕所以式道其器也會之襄陽之帥會謀惟久而又中
道輟汝以寬顧憂是豈朕初意乎夫旅進周行每恨非功名
之會又勞外服又懷無拾補之益有能於此何鄉不可則通
儒也爾其欽承以圖忠報可

新除福建提刑盧彥德改江東提刑

敕具官某觀蜀道之歌湘繫之賦則知士大夫不樂久宦於
此也爾某崎嶇荆益至於累年晚歸即闕意不自得懷章正
上持節七閩夫安於平進而樂遠外曾無繼亦見於詞色是

不謂之吉士者以嫌自引易地江左姑徇爾懷嗣有它寵可
權戶部侍郎梁總除刑部侍郎

朕朕誦周書至立政用人之戒詳矣而三致意於庶獄至於
卒章獨告司寇蘇公夫皆準人也他無所概見而司寇獨明
言其人何歟蓋謹而書之也具官某以寬厚長者名當世而
以法士名其家夫法士則深於文而長者則傷於惠二者皆
偏才也而卿獨兼二美焉頃為理官空園案月及掌邦計郡
國晏然銜命來歸備見忠瘁普貳秋官此蘇公之職也式教
爾獄以長我玉國爾尚無愧於周書哉可

司農寺主簿張孝伯除國子監丞十月十一日

教具官某朕方加惠諸生凡聯事於成均者皆遴選也胃監
有丞與聞學政以爾孝伯雅致不倫肆用命爾其益好修以
頌明陟可

諸王官大小學教授姚愈除司農寺丞國子監主簿

羅克開除軍器監丞十月十一日

教具官爾愈爾克開皆以文雅嘗與聞學政矣而以愈丞農
器克開監蓋試煩事益究爾能左右具宜則有明陟可

直秘閣兩浙轉運判官黃黼除直龍圖閣陞副使再
解龍圖閣改除直顯謨閣十月十一日

教具官某以元初名宦後而其學足以自立才足以自見也
將漕運嚴燕及三輔朕圖爾功正名使華晉職犧閣是豈謂
之過歟而何遜章米上至于再三也益嘉廉潔少却文謨雖
不償勞亦足屬世可

念部郎中汪梓以趙汝愚親嫌除淮東提舉十月十一日

教具官某朕不以防禁遇臣下而或自言嫌則亦從欲以便
其私爾大臣之子克世其家比解州綏遠歸郎舍嘗試亦久

譽處有聞顧以當路之憊願就外服政畀淮節以華其行雖
拘爾懷亦足風厲可

大理正問立冰除利州路提刑十月十七日

救具官某夫持節行郡國是為周王人漢部刺史也然周以
下士漢總統六百石何歟深知此意宜何以圖報乎爾為理
官亦既累歲博文敏事倍不能言會擇蜀使咸曰汝可若爾
者足以循周漢之制越次而持節矣詳刑於蜀庸究爾能往
其欲承以須明陟可

秘書監兼實錄院檢討官薛叔似除權戶部侍郎十

月二十八日

救朕欲省賦甚而用不足蓋嘗歎息安得執古以御今之士
與之共圖邦計乎而澤下究也其官某習於六經之道而明當
世之務自薦紳先生下逮新進稱爾不容口也屬茲銜命萬

里來歸羊幣蔬食行乎靈貺朕甚嘉之曾未復命擢貳民曹
夫從班室所以償勞乎可使治賦孔門之學何以利國孟子不
對於斯二者並行不悖此朕之所圖於汝也尚其勉我以永
士譽可

起居舍人無侍講劉光祖除起居郎司農少卿

除起居舍人十一月二

救具官某左右史朕所嘉賴以謹言動爰自副服儀圖其人
皆舊學也爾光祖顯在儲寮蔚為國士而光祖繇憲臺
繇騎省各以論事不避權近俄而去國朕甚懷之蓋嘗嘆息
安得三益以自近也今茲歸止實慰我心其以光祖序進左
切駟權居右陞豈徒以是為私乎其繼自今直筆在前則出
入不欽號令不愆將懼忠為爾其勉勿替初意可

國子祭酒彭椿年除直龍圖閣江東路轉運副使

十月二日

教具官某昔荀卿嘗為祭酒矣而卒老蘭陵後世恨之爾某於今百辟家先進也方在諸生及見故老比為博士獨抱道經而自詭治民遲遲翔集蓋累年於此矣晚長成均雅不自喜亟上懇請欲使其私將輸江垓陸華穢閣雖寵爾行而朕尚笑爾無選心也以解荀卿之恨亦有意乎可

大理寺丞林思齋除大理正開十一月二日

教具官其本朝重科目而有以奕世父子一門伯仲赫然馳驅擅聲名於場屋若爾某者豈不足貴乎而何州縣淹恤重稱賢勞岳牧論薦如有朝蹟也欲問獻囚士論惟允伴為理官自丞而正鴻漸之序嗣有懸官可

戶部郎中王概除直秘閣知平江府開十月三日

教具官某治辦之吏患在缺等豈弟之長或不事事此二千

石所以難其人也爾自分郡寄比遣使華長於心計往往乃在足用而長財也而捐以予民動累鉅萬蜀道之人至今懷惠若爾者可以托千里之國矣吳門釋牧蓋久而後得之較于望郎輩以寓直爾其懋哉勿替 民譽可

太府寺簿范孫除太理寺丞開十月三日

教具官其奕世載德孰如范氏爾克踐修益自問學色辭評温君子八也俾丞棘寺未究爾能謹視刑書嗣有寵致可

朝請郎權發遣滁州石宗昭除度支郎官新政除浙

西提舉吳鑑除司封郎官開十月四日

教具官某等以吾州府校讐之臣而越在外服不知其反期何時非所以為經生學士勸也爾宗昭鑑嘗同日給筆札試于玉堂之廬觀如堵牆其美無度而何宗昭在淮鑑在湘之久也天合江之水環徐之山將指承流爾固樂此公論不置

蓋歸郎聞其亟來到以對新遷可

軍器少監兼權司封官李大性除浙東提舉知常州
黃顯除浙西提舉大性十月三日 瀨園十月四日

教具官某今二浙猶三輔也此歲不登仍以旱潦荒政十二
其誰與朕推行之乎爰誅其人得於周行則汝大性得於列
郡則汝顯也東西二節於以分界平輿積悉咨聽之吳越
之間民無菜色我有褒望必不爾後可

太學博士陳峴武學將士陳邕並除祕書省正字

教具官某等朕命以雲漢側身之誼策爾於玉堂之廬備覲
不徒具文而有惻隱之實爾邕科別其條而昌言之不枉於
執事文詞奉奉皆可觀也冊府儲才得爾惟允勉司校讎益
務誼育以就遠志以副殊休可

監登聞檢院楊大全除宗正寺主簿主管官告院傳

伯成除司農寺主簿十月十日 監都進奏院孟浩除國

子監主簿 浩 閏十月十四日

教具官某等夫以百畝之宰三年之海僉言賢勞始有朝蹟
而後階升簿正列寺士欲以才自著也斯已艱矣矧爾大全
西州之彥而伯成浩又南國之良乎姑憇厥官以須褒進可

大學正孫元卿除武學博士

教具官某古者下篇皆學於東序而程首騶虞又皆樂師所
以教國子也爾以文行簡在東膠譽盛美推所講明施及
右學將見諸生不但習孫吳而已則朕之所以用汝也可

李知已陳景俊並除大理寺丞

教具官某等曾人以淑問獻囚而漢以文無害為獄掾皆所
以重士官也爾知已於今多士為前進而有廉退之稱不
曾詩所謂淑則者乎爾景俊於今法家為通才而衆人思

不幾於漢制所謂文無害者乎保丞蘇奇同審刑書案
幾吾民徇枉必達可

國子司業適除太府卿准東總領計二明

教具官其昔者仲尼攷定六藝至大學之卒章歸於義利場
道深矣亦曰天地大德次及於理財也今宿師數十萬以天
下之財賦之不領於六農之經費而居此官者不知此誰是
不重為吾民病乎宜廷臣論建者欲得賢士大夫使之久任
以加惠吾元元也朕覽奏矍然改圖其人而大臣首以爾通
應選擇較從司成晉長外府以儒術總戎餉助於此先行爾
所學奚必多訓可

楊源轉一官

教具官其爾請官于戚里將以圖驅仕也方優懲重及其
族宜進一官以廣恩意可

楊錦引嫌改知閬州

教具官其朕不以防禁過臣下而或自言嫌則亦從欲以便
其私爾紆州組浸有民譽願以伯氏也司推牧抗章引却湯
地閭中雖徇爾懷亦足風厲可

主管中佑觀黃度知婺州

教具官其言者不狂擇者不明此漢文帝之詔也深厚實博
庶幾六藝朕甚慕焉日以練官補郡守而爾度方抗疏論事
無所撓且竟舍州組便親養退省爾私豈有為為之手若但
從欲不強起汝亦異於漢文矣婺越境錯可以將父便道
之官是用尙汝其徂吾民益以民事之暇強學待問朕豈
改忘哉可

高宗周押馬賞錢

教具官其詩不云乎東心塞淵駉兆三千馬之增咸於此觀

人心焉此吾所以設賞典也其進爾秩勸後來可

武節郎提轄製造 御前軍器所曹組職事修舉轉

一官

勅具官某以除戎器課勞而增秩非苟以為恩也天下無事武備易弛有精其能不可不勸可

沈規 胡仲衡 呂友直並除大理評事

勅具官某等日者屢肆大音囹圄空虛理官具負而已然而擇人以詳刑則不可不謹若爾某者皆由此選也宜及聞暇益務明習以稱朕哀於庶獄之意可

前知撫州趙彥純知徽州

勅具官某江右民教章實為重爾彥純以屬籍之秀奮於儒科而臨川治行奏計為家解組來朝遂會闕守與爾符竹咸曰是宜性其究心以永終譽可

宗正少卿李祥除國子祭酒十一明二

勅具官某士行莫高於知止廟謨莫急於留賢一舉而二美附此朕所以用爾祥也以爾議論接於前聞行歲倍於素履見推文行多士攸同粵從樞屬擢貳冑監而秉心無競陳誼甚高蓋旬歲之間亡慮數請以年為解懷不自安也朕為此風不作深用嘉尚爰疇已試晉長司成本之諸生以重兩學人臣守誼人主尚德是足以明教化矣可

虞儔知湖州

勅具官某以爾嘗入霜臺持玉節風績甚茂淹恤云久尚徒勞州組乎夫仁不異遠義不辭難勉若雪之間自昔樂土維年不逢民有菜色荒政十二朕靡所愛苟非其人是將焉寄此朕所以用汝也寓直延閣姑寵尔行亟圖民庸以計未上可

張宗况 張宗愈轉一官與幹官差遣

勅具官某等勸分之令下未有帥先為吾元元輸粟於縣官者而爾以勲闕世臣能奉明詔朕甚嘉之爰進厥秩俾屬外臺非苟為恩將以風厲可

倪思知泉州

勅具官某朕觀周詩至於廷臣徂齊入謝為之作誦勤勤勞苦然後知官人之道焉爾蚤以英聲頴脫時輩浸即職仕爵為國華白者方憇征騷俄而去國顧乃願休祠館不就郡章以若所為豈必待仕而後憊於心歟而朕自不能忘也維聞山樂土溫陵佳郡成爾養履姑惟運次事簡賦寬可踐所學往其欽承益自明試可

勅具官某勸分之令下未有帥先為吾元元輸粟於縣官者而爾能奉明詔是足嘉與官以右選以勸後來可

程需輸米特補承信郎

勅具官某勸分之令下未有帥先為吾元元輸粟於縣官者而爾能奉明詔是足嘉與官以右選以勸後來可

馬六同特復元官致仕

勅霜臺有請固不可屈於恩泉壤可懷亦不容廢以法爰棄前咎遂還故官以昭念舊之仁以示勸能之典具官某信已之學兼人之才粵自少年意已輕於先達浸更黜仕耻徒事於清談蓋時出其抱負之長而概見於設施之際修明臬事有發伏適姦之功論建版曹皆足用長財之畫肆于初政游有煩言屬爾沉痾姑從薄責諒兼忘於寵辱何遽隔於幽

明東首施紳冒慰九原之恨西清持橐尚歆再命之榮可

勅具官某雍也仁而不佞仲尼所以第德行之科也爾羣居

則寡言旅進則却立不幾乎所謂仁而不佞者歟久游冊府殊無兢心比上著庭見謂直筆於焉序雖未足以究爾能也朕方試之行有簡擢可

秘書丞陳豫除著作佐郎十一月二

物具官其載筆東觀極天下之選矣官資崇厚歲月久近不足論也爾嘗奉大對亞乎褒然之選才長文富不自銜嚮從其所好翺翔著庭以昌令名以就遠器詩不云乎潛雖伏矣亦孔之炤爾亦喻此指乎可

太常博士邵康除秘書丞十一月二

物具官其茲仕學省遂入容其臺遂上冊府士而能致身如此蓋亡幾人也以爾奏名南宮嘗為天下第一種學績文益務持養次第盈朝無異言往其懋哉以就遠器可

太常寺主簿劉誠之除太常博士劉王容除秘書省

正事十一月十七日

物具官其朕每謂至於春秋一書則開劉氏之說本朝經學小能或之先也訪求其家則爾誠之孟容皆世科第誠之方身正由臺雅有譽處而孟容淹恤在外爾者尤不容口也其以誠之為神博士而特招孟容實諸朋府詩不云乎九周之士不顯亦世世之不顯厥猶翼翼思皇多士生以王國朕豈庶幾於此焉可

中書門下省檢正諸房公事兼權刑部侍郎徐誼除

權工部侍郎兼知臨安府十一月

物商已翼其四方之極夫為內史而無尊重難危之勢非所以覽示海內也京定也其官其外寬而中剛未詳而本約能通當今之務而不失古意能得君子之心而不忍疾于頑也此嘗試對賦奏聞切朕識之久會謀誠帥而簡之庶僚貳于

起部蓋聞其言之助者開群枉之門懷危得之情者持自
善之計內史不說職此之由儀圖其人無以易汝是用蔽目
朕德度越故常以論思之班行彈壓之事性其慈誠以振首
善可

東梁除大學志十二月

勅其官事今周行之士可以為人師者不乏而朕取諸遠至
于一再爾慶亦喻此指事夫行修于家而未施用於世名聞
於州里而未有著於朝列此人主之所務白也宜益懲官
以副朕不遐遺之意可

恭差台州通判呂祖儉除太府寺丞浙東常平司幹

官孟猷除籍田令

初用人之弊其惟世德而忘遠乎朕嗣服覽示無外間有
通材取之下國爾祖儉爾猷皆以故家子孫雅有恩慶老友

行於窮約而趣尚不卑於科第也徒勞州縣未究尔能以尔
祖儉丞外府猷令籍田其益好修以称朕意可

Large stylized watermark or seal, possibly reading '圖書' (Library/Bookmark).

Vertical text on the right page, likely bleed-through from the reverse side. The characters are faint and difficult to decipher, but appear to be arranged in a column.



Text visible along the right edge of the page, possibly from the book's binding or a marginal note.

